

Održan 363. stručni sastanak medicinskih sestara i tehničara JZU UKC Tuzla

U okviru kontinuirane edukacije medicinskih sestara tehničara UKC Tuzla, u amfiteatru Klinike za interne bolesti UKC Tuzla, održan je 363. edukativni sastanak na kojem su predstavljene dvije aktuelne teme.

Prvu temu "Značaj medicinske sestre u procesu zdravstvene njege kod palatoschise" prezentovala je Emina Šehović, medicinska sestra Klinike za plastičnu i maksilofacijalnu hirurgiju. Prema njenim riječima, djeca sa rascjepom usne ili nepca su sklona čestim infekcijama uha, poteškoćama sa hranjenjem, sisanjem ili gutanjem, gubitkom sluha, regrutacijom tečnosti na nos, kašnjenje govora, kao i problemima sa zubima. Liječenje je hirurškim rekonstruktivnim zahvatom u više etapa. "Hirurško tretman liječnje nosi rizike kao što su krvarenje, infekcija, reakcije na anesteziju, problemi sa disanjem, neuspješna operacija. Liječenje djece sa rascjepima je dugotrajno, kompleksno, multidisciplinarno i karakteristično po tome što se konačni efekat liječenja vidi puno kasnije nakon zahvata. Važno je da kroz cijelo vrijeme dijete bude pod nadzorom operatora, pedijatra, otorinolaringologa, ortodonta i logopeda. Važna je i uloga medicinske setre tehničara, kao nezaobilaznog člana tima, koja sarađuje sa roditeljima, educira ih i kao neko ko najviše vremena provede uz pacijenta i roditelje, daje svoju emotivnu podršku", istakla je u svom radu medicinska sestra Šehović.

Drugi rad na temu "Intervencije koje se poduzimaju u slučaju narušavanja bezbjednosti osoblja" izložio je Esmir Halilović, bech.ecc, šef Službe unutrašnje zaštite. Kako je istakao, pod narušavanjem bezbjednosti podrazumijeva se bilo koja aktivnost, uključujući i verbalne prijetnje, koja može dovesti u opasnost život i zdravlje pacijenata, zaposlenika i lica koja privremeno borave u Ustanovi, kao i ugrožavanje imovine Ustanove. Akcije, koje se poduzimaju u tim situacijama imaju za cilj otkloniti opasnost, odnosno smanjiti štetne posljedice, te djelovati preventivno kako bi se ova događanja spriječila u budućnosti. "Ukoliko dođe do narušavanja bezbjednosti zaposlenici su dužni o tome odmah obavijestiti najbližeg Čuvara Unutarnje službe zaštite. Rukovodilac Unutarnje službe zaštite o narušavanju bezbjednosti obavještava načelnike/šefove klinike/poliklinike/sektora/zavoda i rukovodica samostalne službe na kojem se narušavanje bezbjednosti desilo. Rukovodilac Unutarnje službe zaštite o narušavanju bezbjednosti obavještava nadležnu policijsku stanicu", kazao je tokom prezentovanja svog rada Esmir Halilović.

Stručni sastanak medicinskih sestara i tehničara JZU UKC Tuzla pratilo je 50 medicinskih sestara i tehničara.

